

Pleiv Sogn Gions Mustér

Rapport da gestiun 2013



Impressum

Editura: Pleiv. S. Gions Mustér

Ediziun: 1100 exemplars

Fotografia 1. pagina: caplutta da Sontgaclau e S. Silvester

Mumpé Tujetsch (G. Tenner)

Stampa: La Tuatschina, Sedrun

© 2014 Pleiv Sogn Gions Mustér

Invitaziun alla radunonza generala dalla Pleiv Sogn Gions/Mustér

Venderdis, ils 4 d'avrel 2014 allas 20.15 uras
en halla communal a Cons/Mustér

Tractandas:

1. Beinvegni ed elecziun da dus dumbravuschs
2. Protocol dalla davosa radunonza generala dils 1 d'avrel 2013
3. Elecziuns:
 - a) vicepresident/a/actuar/a
 - b) ugau pervenda
 - c) ugau/ugadessa caplania Segnas
 - d) revisurs da quen
 - e) commembers cussegl pastoral
4. Rapport dil president dalla pleiv
5. Rapport dil cussegl pastoral
6. Rapport dil president dalla Caplania Segnas
7. Rapport da quen: Baselgia Sogn Gions
8. Rapport da quen: Pervenda Sogn Gions
9. Rapport da quen: Baselgia Cavardiras
10. Rapport dils revisurs da quen e scarica alla suprastonza
11. Preventivs e fixar il pei da taglia
12. Orientaziuns
13. Casa pervenda veglia
14. Undraziuns
15. Varia

La Pleiv porscha a mintgin/a alla fin dalla radunonza in sempel refrestg.
Cordial invit a nossa radunonza generala.

Per la suprastonza dalla Pleiv Sogn Gions/Mustér:

Il president:
Linus Maissen

La vicepresidenta:
Jris Lombris

Protocol

dalla radunonza generala dalla pleiv s. Gions/Mustér,

venderdis, ils 1 d'avrel 2013 allas 20.15 uras en halla Cons, Mustér

Tractandas:

1. Beinvegni ed elecziun da dus dumbravuschs
2. Protocol dalla davosa radunonza generala diils 27 d'avrel 2012
3. Elecziuns:
 - a) president
 - b) ugau baselgia s. Gions
 - c) president dil cussegl pastoral
4. Rapport dil president dalla pleiv
5. Rapport dil cussegl pastoral
6. Rapport dil president dalla Caplania Segnas
7. Rapport da quen: Baselgia Sogn Gions
8. Rapport da quen: Pervenda Sogn Gions
9. Rapport da quen: Baselgia Cavardiras
10. Rapport diils revisurs da quen e scarica alla suprastonza
11. Preventivs e fixar il pei da taglia
12. Orientaziuns
13. Undraziuns
14. Varia

“Buna sera ensemen” - culs medems plaids sco il nievelegiu papa ha salidau ils cartents, arva

Linus Maissen la radunonza generala hodierna ed aschunta: Tgi che surri, sa dar suleg!

Demai ch'igl ei temps da Pastgas lai el suandar in cuort verset che duei far attents che Pastgas seigi buca mo regalar, mobein la regurdientscha alla Levada dil Segner:

 Ils ovs da Pastgas egl igniv
 admirel jeu fetg pitgiv
 mo jeu vi er aunc patertgar
 Pastgas ei buc mo regalar
 Ti car Segner eis levasu si
 has fatg cun tetez miracla bi.

Special beinvegni fa il president oz a sur Alexi ch'ei sco „hosp“ denter nus. Silsuenter prelegia el las perstgisas e presenta la gliesta da tractandas. Ei dat neginas midadas.

1. Sco dumbravuschs vegnan proponi Andreas Arpagaus e Gerold Schmed. Els vegnan elegi unanimamein.

2. Il protocol dalla davosa radunonza generala vegn approbaus senza midadas cun engraziar all'actuara per sia buna lavur.

3. Elecziuns:

a) Linus Maissen vegn reeligiun unanimamein pils proxims treis onns sco president dalla pleiv.

b) Era Claudius Berther ei promts da star en uffeci per ulteriurs treis onns e vegn reelegiun sco ugau baselgia.

c) Gion Battesta Hosang ei gia dapi plirs meins en uffeci provisorii sco menader dil cussegl pastoral. Questa sera vegn el elegiun ufficialmein pils proxims treis onns sco president dil cussegl pastoral.

4. Igl essenzial dalla veta en pleiv digl onn vargau ha Linus Maissen scret el rapport da gestiun. Questa sera engrazia il president aunc inaga a tut las persunas en la pastoraziun: sur Alexi Manetsch e sur Pius Venzin, sur Martin Bearth e sur Giusep Cathomas, als paders dalla claustra, mo era a tuts funcziunaris, als chors baselgia cun lur dirigents ed a tuttas gruppaziuns e catechets e buc il davos a ses consuprastonts ed als cartents che fuorman la pleiv. Ils presents seregordan en in cuort memento dils defuncts digl onn vargau.

5. Il niev elegiu president dil cussegl pastoral Gion Battesta Hosang engrazia a sur Alexi, alla suprastonza dalla pleiv ed a tuts menaders dallas differentas gruppas, denton en special a Willi Lozza per tut sustegn. El fa attents ils presents sil pign diember da commembers el cussegl pastoral che presta denton grondiusa lavur. El fa puspei reclama da s'annunziar sco commembers el cussegl pastoral.

6. Il president dalla caplania Segnas informescha ils presents sur dalla bein gartegiada restauraziun dall'orgla en baselgia s. Bistgaun e s. Roc. Gion Tenner engrazia alla suprastonza ed als augsegners, vontut denton als donaturs che sustegnan adina puspei la caplania. „Il terren vegni pli dirs, ils cavals che ston arar vegnan denton era adina pli zais.“

7. Il quen dalla baselgia s. Gions muossa in deficit da frs. 2'512.-. Cunzun las unfrendas ein idas anavos, quei oravontut perquei ch'ei ha giu pli paucas sepulturas ed era il diember dallas messas ordinarias ei sereducius. Tier las expensas crodan cunzun las cefras aultas dil scaldament e da reparaturas en egl. Igl ugau baselgia Claudius Berther exprima siu sincer engraziament allas calustras Ottilia Hosang ed Agnes Deflorin e lur gidonters, sco a tut quels che lavan ora las baselgias, lu era a Gion Battesta Hosang, Trudi Lutz ed Irene Huonder ed a tuts ugaus-baselgia en nossa pleiv.

8. L'emprega gada en siu temps d'uffeci sto igl ugau pervenda Willi Lozza presentar in quen deficitar. Quei oravontut perquei che la nova lescha da taglia ida en vigur gl'emprem da schaner 2009 lubescha mo pli igl incasso dalla taglia da cultus da 12 % sin la taglia cantunala semplia. La pleiv ha denton era stuiu nudar enzacontas extradadas dalla baselgia. Il quen siara cun in deficit da frs. 20'446.15. Ladinamein ha la suprastonza priu mesiras e scursaniu las expensas pigl onn niev, aschia ch'il preventiv ha saviu vegnir sminuius pulitamein.

9. L'ugadessa da s. Antoni/Cavardiras Alexa Schuoler engrazia a sur Alexi manetsch ed a sur Giusep Cathomas per lur survetschs, lu a Carmelina e Marcel Pöhl ed era als commembers dalla suprastonza da pleiv. Cordial engraziament admetta ella era a tut quels che sustegnan adina puspei la caplania da Cavardiras. Il quen dalla baselgia da s. Antoni siara cun in surpli d'expensas da frs. 2'222.55.

10. Ils 23 da fevrer han ils revisurs Catrina Berther e Roger Sac controllau tut ils quens e san puspei constatar seriusa ed exacta lavur dils responsabels. Els engrazian alla suprastonza, als augsegners ed a tuts ugaus per lur nunstunclenteivel engaschi. Ils quens vegnan approbai unanimamein.

11. Il preventiv dalla baselgia s. Gions quenta cun in surpli d'expensas da frs. 7'400. El decuors dalla stad duessen ils dus eschs laterals en baselgia s. Gions vegnir remplazzai. Igl ugau pervenda quenta cun in manco da frs. 22'200.- per la pervenda. Ils preventivs vegnan approbai senza discussiun. Il pei da taglia vegn tenius sco proponius dalla suprastonza sin 12 %.

Nies niev augsegner, sur Georg Changeth ha 39 onns ed ha gest terminau ses studis a Ruma. Ils 14 d'avrel prendein nus cumiau da sur Alexi cun ina messa festiva a s. Gions. Lu fagein nus era beinvegni official a sur Georg. Linus engrazia a Sur Alexi per siu engaschi supplementar dils davos meins en nossa pleiv.

13. Reto Lutz ei s'engaschus plirs onns sco ordinatur da sepulturas. Nus engraziein ad el per tut siu engaschi. El medem mument fagein nus beinvegni a siu successur Andreas Arpagaus. In special engraziament admetta il president a Willi Lozza per siu grond engaschi ch'el ha mussau ils davos meins ed onns per nossa pleiv ed era per la caplania da Cavardiras.

14. Sut varia giavischa negin il plaid. Il president engrazia aunc inaga a tuts presents per lur interess, allas autoritads communalas ed alla claustra per la buna collaboraziun e siara la radunonza cul plaid: Cun la tgira da patratgs ventireivels e da bunas disas dat ei ina veta ventireivla. Surri e la ventira ei a Ti garantida!

Mustér, fin avrel 2013

Jris Lombris-Manetsch, actuara

Rapport dil president dalla Pleiv s. Gions 2013

Buca mo l'elecziun da papa Francestg ils 13 da mars 2013, mobein era ses numerus messadis - dil papa dils paupers/dil pievel/dalla basa cristiana - ein stai in fetg ferm segn en la Baselia catolica, in segn che dat speronza, era sch'el sa buca far sbargats u midadas radicalas. Forsa semida la constataziun en miu davos rapport: "Ils moviments dallas Baseligias ein gronds e vegnan temaisai adina puspei en las medias – segns da midadas el senn da sesarver dat ei denton paucs – il pli savens il cuntrari" – in fatg che fagess fetg bein en nies uestgiu che sesprova plitost da menar anavos la roda dalla realitad ella quala ils catolics e cristians vivan e cementar tendenzas fundamentalisticas. Tier reacziuns vegn rispundi: "Biars battegiai ein buca perschua di da lur situaziun irregulara ed enconuschan buca la vera ductrina dalla Baselia". La discrepanza denter la basa ed ils responsabels para da vegnir pli e pli gronda.

La pastoraziun

Il maletg en las pleivs localas che han da sbatter cun anflar personas che s'engaschan per posts en lur gremis semida aschia strusch. En nossa pleiv s. Gions ei il ferm cerchel da fideivlas collaboraturas/ fideivels collaboraturs legrevlamein restaus e la fetg buna lavur che cuoza gia dapi bia onns ha cuntinuau cun agid da tuttas personas engaschadas exemplaricamein.

Da cor exprimel in cauld e sincer engraziament persuerter, sperond d'astgar quintar aunc liung temps sin la forza ed il bien spért da quella gruppa da parochianas e parochians ch'jeu numnel vinavon "nossas bunas olmas". Dieus paghi a tuts ed a tuttas che cuntinueschan ni termineschan lur activitad.

Dapi miez avrel ha sur Georg (dr. George Changeth) surpriu l'administraziun da nossa pleiv. Cun siu carisma e sia moda fetg positiva da s'entupar cullas parochianas/culs parochians ha el anflau fetg buna accoglientscha sco pastur dallas olmas. Savend ch'el empren tudestg e romontsch sco 6avel e 7avel lungatg, ha el ademplier siu pensum linguistic els emprems 10 meins oreifer, era sche la capientscha pretenda aunc in grond sforz. Impurtont ei da dar ad el il temps necessari en quei grau, mo era pil pass en nies viver cristian catolic, en nossa cultura e mentalitad. Cun nies agid e sustegn, mo er cun la tenuta positiva da sur Georg sa la pleiv s. Gions cuntinuar cun fetg bien sentiment.

Igl εμπrem quartal digl onn 2013 ha nies anteriur plevon sur Alexi Manetsch ademplier fideivlamein il pensum da gidonter el bien spért dils davos onns. Nus savein mo engraziar ad el, sperond ch'el resti sauns e sappi, ensemen cun spirituals pensiunai e forzas jastras, segidar vinavon en las incaricas dumandadas da nossa pleiv.

Per la fiasta da s. Roc (25 d'uost) ha sur canoni Pius Venzin astgau festivar siu giubileum da 30 onns pastoraziun en la caplania da Segnas. Cun in fetg impressiunont engraziament han la pleiv s. Gions e la caplania s. Bistgaun e s. Roc remunerau siu operar, giavischond ad el vinavon buna sanadad e la benedicziun da Diu. Aunc duront quella festivitad ha sur canoni annunziou sia abdicaziun per la fiasta da Cristus Retg (24 da november). Tgi havess vuliu refuser al pastur dallas olmas da varga 83 onns il giavisch d'entrar en la bein meritada pensiun? Sur canoni ei staus duront 57 onns en survetsch dalla Baselia dalla Surselva ed ha ademplier cun dignitad exemplarica las numerusas rollas da plevon e caplon: la rolla dil pastur, confessor, predicatur,

scolast da ductrina, intermediatur, protectur, administratur, mo era consolader, gidonter, viandont, pelegrin, scriptur, ...). La pleiv s. Gions, en special la caplania s. Bistgaun e s. Roc, han priu cumiau da sur canoni Pius Venzin en gronda engrazieivladad. El habitescha vinavon en casa pervenda a Segnas e vegn a segidar tenor sias forzas. La fideivladad dalla casarina Matilda Lutz che ha accumpignau sur Pius Venzin duront tut quels 57 onns mereta ina speciala menziun e remuneraziun. Tonta survetscheivladad e fideivladad ei strusch da describer. Possi ella era saver guder aunc entgins onns, sche pusseivel, en buna sanadad.

Igl onn ecclesiastic en pleiv

Tochen oz han las festivitads ecclesiasticas ch'èin da gronda muntada per la pleiv e per la cuminonza da vischnaunca saviu vegnir mantenidas, malgrad ch'igl interess svanescha onn per onn.

Las messas specialas che vegnan preparadas entras il cerchel dils catechets / dallas catechetas, sco era las sepulturas vegnan visitadas stediamein mussond aschia la cuminonza cristiana da nossa pleiv. Sper in grond "Dieus paghi" per quei engaschi special, setschenta la damonda: co savessen talas purschidas vegnir slargiadas cun success?

Co fuss ei dad activar en nossas famiglias giuvnas pli fetg Dumengia alva e la perdanonza da s. Gion Battesta, mo era da visitar las perdanonzas dallas caplanias da Segnas e Cavardiras pli stediamein e da mantener las festivitads ecclesiasticas en cuminonza cun nossa Claustra? La veta religiosa da nossa pleiv fluess puspei da niev ed ils chors baselgia, la societad da musica ed en special l'uniun da giuventetgna cun las paradas sco segn extern da perdetga cristiana survegnessen pli gronda impurtonza, forsa schizun ina certa renaschientscha.

Ils survetschs divins, mo era ils priedis da cureisma e da matg, la sentupada da Rogaziun federala, las occurrenzas meinsilas dil cerchel social dattan occasiun da far oraziun, reflectar e s'entupar.

Tut quellas purschidas da cuntegn religius ni profan pretendan organisaziun ed engaschai supplementar da biaras personas. Grond engraziament a tuts ed a tuttas sperond ch'igl interess creschi davart las parochianas ed ils parochians, pertgei l'impurtonza da pleiv religiosa ha en nies temps hectic ch'èi savens senza gronda speronza ina dubla peisa. Ei drova encardens da paus e ruaus.

Jeu lessel accentuar en quei liug l'impurtonta collaboraziun dils davos onns cun la Claustra, sperond ch'il bien spèrt da sustegn vicendeivel che dat forza ad omisduas cuminonzas resti era el futur.

Cun plascher giavischa la Pleiv S. Gions vinavon slontsch ad avat Vigeli. Possien las festivitads da giubileum egl onn 2014 purtar buca mo il success giavischau, mobein alzar l'impurtonza dalla Claustra e dil convent per nossa val e pil romontsch. El medem mument lessel sereguardar d'avat Pankraz Winiker ch'èi morts ils 26 d'october 2013 ella aulta vegliadetgna dad 87 onns, engraziand ad el pils numerus survetschs, en special era en num da bia giuvens carstgauns ord nossa pleiv che han astgau retscheiver dad el il sacrament dalla s. Creisma. Sia tarlischur sco carstgaun vegn aunc ditg a glischar en pleiv.

Nos defuncts

Mort e naschienscha ein sco schumellins cun pensum reciproc : per ina part eis ei l'entschatta da lur pensum, per l'autra part la fin.

Sper ils 31 affons che han retschert il sacrament dil s. Batten, ha il zenn da mort stuiu tucrar uonn per 11 parochianas e parochians.

Tiel davos viadi terrester en santeri accumpogna mintgamai in numerus pievel ils defuncts/las defunctas che han fatg il pass vi ella veta perpetna tier lur Scaffider. In act che dat sustegn allas famiglias en malencurada e che muossa l'engrazieivladad dalla pleiv, sco cuminonza religiosa, viers tuts merets dils trapassai. Quella tenuta mereta compliment ed engraziament. Detti Dieus a tuts defuncts ed a tuttas defunctas la bein meritada pagaglia en tschiel e possien els ruassar en pasch.

Malgrad che tuttas parochianas e tuts parochians che bandunan il mund fussen digns d'ina cuorta menziun persunala, sto la pleiv restrenscher siu engraziament sin persunas ch'ein stadas directamein integradas en la lavur dalla pleiv.

Gion Manetsch-Thones

(20 da matg 1931 – 21 da matg 2013)

Returnond Gion Manetsch puspei en patria, eis el separticipaus alla veta da pleiv sco commember dil chor baselgia e sco ordinatur da sepultura. El ha fatg quei survetsch alla Baselgia, alla pleiv ed als convischins/convischinas cun grond plascher. La pleiv engrazia da cor per tutta lavur. El ruaussi en pasch.

Pius Condrau-Hendry

(27 da december 1924 - 9 da zercladur 2013)

Paucs dis avon la fiasta da s. Antoni ha il zenn da mort dalla baselgia s. Gions stuiu annunziar la mort da siu anteriur president da pleiv, digl amitg dalla baselgia s. Placi e digl ugau caplutta s. Catrina. Pius Condrau ch'ei staus commember dalla cumissiun per la restauraziun dalla baselgia parochiala ha tgamunau la Pleiv s. Gions durant 10 onns. Sco parsura dinamic e capavel ha el empalau cun premura ed inschign las fatschentas dalla pleiv. Aschia ha el cuntinuau cun las restauraziuns baselgia instradadas, mirau per la revisiun dalla constituziun dalla pleiv e la nova lescha da taglia. Gest 25 onns avon si mort ha la pleiv remunerau Pius Condrau per tuts merets. Era suenter quei datum ha el adina puspei mussau tut interess pils pensums dalla pleiv. La primavera haveva el aunc annunziou a mi cun plascher da cuntinuar, ensemen cun Gion Tenner, la lavur per las tablas d'informaziun per tuttas baselgia e capluttas - mo quei ha buca duivesser. La pleiv engrazia da cor per tutta lavur prestada, savend ch'il Diu Tutpussent tegn a quen tut las bunas ovras fatgas cheu sin tiara e dat la pagaglia en l'autra veta. Car Pius, ruaussa en pasch.

Engaschis en peiv

Il bein formulau rapport dil niev president dil cussegl pastoral e las contribuziuns specificas dils gremis en quest rapport dattan ina buna survesta dalla lavur exemplarica e

nunstunclenteivla dallas varga 80 collaboraturas/collaboraturs. Quei engaschi che schabegia, per gronda part el zuppau, entras numerusas personas e gruppaziuns segirescha il bein reussir digl onn ecclesiastic. Mintg'onni meritassen tuttas personas naven dils organists/organistas, calustras, gidonters e gidontras el vitg ed els uclauns, nossa secretaria Jris Lombris, la gruppa "Salid dil Segner" da vegnir numnadas personalmein e cun grond respect; jeu sperel che tuttas vegnan risguardadas enteifer quel u l'auter resun.

El davos onn ha la pleiv schau registrar e schazegiar tuts objects dalla pleiv. In scazi nundetg che vegn tgiraus cun tutta precauziun d'ugaus/ugadessas baselgia e caplutta. Els ed ellas miran grondusamein per nossas capluttas e baselgias. Engraziel fetg.

Las acziuns specialas: per exempel lavar ora la baselgia parochiala s. Gions e tut las autras baselgias/capluttas – vegnan organisadas e fatgas dall'unioni da dunnas el vitg ni dils responsabels/dallas responsablas els uclauns. La tscheina comunabla ch'ei daventada ina emperneivla sentupada da quels voluntaris/quellas voluntarias dueigi esser in segn d'engraziament, mo era da nossa cuminonza da pleiv – lein sperar sin la continuaziun da quei engaschi.

Petgas da nossa cardientscha

Buca mo per la Baselia catolica ein ils s. sacraments (s. Batten, s. Communiun, s. Creisma, lètq,...) da gronda impurtonza, mobein era per la cuminonza d'ina pleiv catolica. Per quei eis ei impurtont che las generaziuns giuvnas vegnien integradas activamein e daventien purtadas, "petgas activas" da nossa cardientscha catolica.

Igl onn vargau han 31 affons retschert il sacrament dil s. batten e 15 l'emprema s. communiun. La creisma succeda mintga dus onns, aschia gliendisdis Tschuncheismas 2014 entras avat Vigeli Monn.

L'intensiun ei che las glischs e forzas dils s. sacraments fetschien profundas ragischs en nossas famiglias e che l'instrucziun religiosa en scola sappi tschentiar in solid fundament religios per la veta futura cristiana dils affons. Sper in bien spèrt da convivenza e principis etics drova en special era nossa giuventetgna il spèrt cristian catolic. Grond engraziament a tuts geniturs che sustegnan e grond Dieus paghi al team da catechetas e catechets per lur fetg seriusa lavur els fatgs dalla Bibla e per las preparaziuns dils s. sacraments, messas e devoziuns specialas.

Renconuschientscha ed engraziament

Gl'emprem Dieus paghi va a sur Georg e sur canoni Pius Venzin, als augsegners pensiunai, en special a sur Alexi, als paders ed alla liunga retscha da gidonters/gidontras davon e davos las culissas. En quella retscha lessel era metter ils dus chors baselgia (Mustér e Segnas) engraziand ad els per embellir ils survetschs divins durant igl onn ecclesiastic. A Bruno Flepp che ha dirigiù il chor baselgia s. Gions varga 10 onns, lessel admetter in sincer Dieus paghi per siu engaschi ilqual il chor baselgia sez ha remunerau Bruno Flepp cun eleger el sco dirigent d'honor.

Lubi a mi aunc engraziaments specials per cumiau, abdicaziun e dissoluziun.

Cumiau:

Cun varga 80 onns ha sora Beatrix Desax bandunau Mustér e remess siu survetsch sco lectura. En ina cuorta menziun ha la pleiv engraziàu ad ella persunter, giavischond ina biala sera dalla veta.

Abdicaziuns:

Suenter 12 onns ha Roger Sac demissionau e Catrina Berther già suenter 2 onns muort midada da domicil. Els s'accordavan fetg bein e fagevan lur lavur exemplaricamein. Donn che omisdus van el medem mument. Per tut engaschi lessen admetter nies sincer engraziament.

Nossa vicepresidente/actuara Jris Lombris seretrai suenter 12 onns dalla suprastonza e seconcentrescha sin la lavur da secretaria, la quala ei carschida onn per onn. La suprastonza ha bein tutta capientscha, mo lai ir nuidis ella. Malgrad ch'ella fuvà mintgaton ellas stretgas denter la part strategica e la part operativa pesava siu plaid bein ponderau fetg bia e sia fetg buna survesta dils fatgs operativs fuvan da gronda impurtonza per decider pil beinstar dalla pleiv. Duront tut quels 12 onns ha Jris redigiù cun fetg bien dun prest 100 protocols. Cun la dinamica ella gliesta da tractandas fuvà ei, en special ils davos onns, savens grev da protocollar, mo ad ella gartegiava quei tuttina bein, aschia ch'ei deva strusch ina midada. Cara Jris, grond engraziament per la collaboraziun fetg emperneivla e constructiva e per la biala collegialità – entras il secretariat vegn ei a dar adina puspei sentupada e la suprastonza ei leda da tia lavur fetg cumpetenta.

Dissoluziun

En la nova costituziun digl onn 2012 fuvà previu d'integrar la caplania da s. Bistgaun e s. Roc Segnas tier la demission da sur canoni Pius Venzin. Quei munta culs plaids dil davos president dalla caplania Gion Tenner „la dissoluziun dalla suprastonza da Segnas“.

E sco el scriva: „Temps va – temps semida!“ Suenter 240 onns surdat la caplania s. Bistgaun cun grev cor l'administraziun alla Pleiv s. Gions. Cun l'elecziun dil niev ugau baselgia/dalla nova ugadessa baselgia mantegn Segnas sco Cavardiras denton il dretg da caplania (dapi 1773) cun in/a commember/a en suprastonza da pleiv (mira pli extendidamein el rapport dil davos president dalla caplania da Segnas).

La suprastonza dalla Pleiv s. Gion ha adina stimau e preziau la fetg seriusa lavur dalla suprastonza dalla caplania Segnas che luvrava autonomamein pil beinstar dalla caplania cun tuttas obligaziuns, aschia per exempel ils davos dus pensums: restauraziun orgla e renovaziun scaldament/cazzolas. Il pli grond duer fuvà denton da sustener la gronda lavur pastorala da sur canoni Pius Venzin. In privilegi ch'ìls parochians e las parochianas da Segnas vegnan per ina certa part a piarder. Cun la pastoraziun entras sur Georg vegn denton quella part mantenida en in bien ritmus. Il president partent accentuescha: „Con ditg che la cuminonza festivescha aunc survetsch divin a Segnas dependa uss da mintga convischina e convischin.“ Ed el engrazia a tuttas e tuts ch'èin sin ina moda ni l'autra segidai per il prosperar e beinstar dalla cuminonza dalla caplania s. Bistgaun e concluda: „E tgisà – forse suonda ella retscha da quests rapports annuals zacu puspei in dad ina nova suprastonza, in che rapporta da baselgias pleinas e retschas da sacerdots.“

En num dalla suprastonza dalla Pleiv s. Gions e sco president admettel in sincer engraziament al ferm tgamun, president Gion Tenner cun ses consuprastonts: Alberta Loretz, Letizia Duff e Linus Monn ed ils revisurs Adrian Deflorin e Claudius Berther. Vos astgeis segiramein semetter en retscha cun vos antenats e retscheiver in di en tschiel la pagaglia meritada.

Sperond vinavon sils survetschs dalla fidada calustra Barla Jacomet, sustenida da sia quinada e siu mariu, dallas lecturas, dallas ministrantas e dils ministrants admettel jeu era cheu in grond engraziament.

Buca pli pauc engraziel a vos parochianas/parochians pertgei senza vossa participaziun alla veta religiosa, savessen pleiv e caplanias buca viver. Seigies vinavon activs per far affrunt al desinteress per la religiun en general e per la Baselgia catolica e formei ina Baselgia catolica moderna nua che adina pli biars anflien lur dacasa religios.

Buca emblidar lessel l'entira populaziun e las autoritads communalas.

Preziadas parochianas, preziai parochians. Vos havessess plascher da veser la lavur fetg competenta ed autonoma dils differentes ressorts en nossa pleiv. Perquei lubi a mi il duiv e profund engraziament all'entira suprastonza. Senza stravagar : La lavur va maun en maun e quei naven digl ugau baselgia, ugau pervenda e president dil cussegl pastoral culs ressorts responsabels, Segnas e Cavardiras tochen tier nossa actura/vicepresidenta cun siu pensum dubel sco secretaria.

Ina cuminonza: pleiv - vischnaunca – claustra funcziuna mo cun sustegn vicendeivel e cun agid da bia gidontras e gidonters. La suprastonza spera era el futur che siu exempel animeschi ulteriuras persunas da s'engaschar per nossa pleiv. In sincer e profund «Dieus paghi».

Per la suprastonza dalla Pleiv Sogn Gions
Il president: Linus Maissen

Rapport dil cussegl pastoral dalla pleiv Sogn Gions

In rapport dat per ordinari in sguard anavos sur dil curriu e passau. Perquei sedamondel jeu: eis ei reussiu al cussegl pastoral cun ses 9 commembers e commembras d'ademplier tut las incaricas per cuntentientscha da vus, caras parochianas e cars parochians?

Tenor nos statuts - revedi il 2013 - secumpona il cussegl pastoral da dus cerchels: il cerchel liturgic ch'ei responsabels per tuttas activitads en baselgia ed il cerchel social-caritativ che s'engascha specialmein per senioras e seniors da nossa pleiv. Buca emblidar lessel jeu numerusas persunas che segidan voluntariamein en differentas gruppas e ch'ein suttamessas al cerchel liturgic numnadamein: la gruppa da devoziuns, rusari da morts, retscheiver la bara, Salid dil Segner, Sora Giuanna che porta la communion als malsaus, las lecturas e las ministrantas e ministrants.

Ensemen cul plevon sespruein nus adina puspei dad activar la veta en pleiv cun organiser differentas occasiuns, occurrenzas ed eveniments. Entochen la fin dil meus mars havein nus astgau collaborar cun sur Alexi e naven dall'entschatta avrel cun sur Georg. A sur Alexi admittel jeu nies cordial engraziament per tut la buna lavur prestada e per siu nunstunclenteivel engaschi durent biars onns.

Il cerchel liturgic

Nossadunna da candelas

Onn per onn serimnan numerusas parochianas e numerus parochians alla benedicziun dallas candelas avon casa da scola e serendan silsunter en claustra per assister - ensemen cun il convent claustral - alla sontga messa. Ina biala processiuon che nus lein mantener e promover vinavon.

Unfrenda da cureisma

Sco usitau havein nus rimnau l'unfrenda da cureisma la dumengia da palmas. Ella ha purtau la biala summa da frs. 4'998.50. En num dall'organisaziun "Fastenopfer" sco era en nies num engraziein nus a tuts donaturs persunter.

Aperos

Ils aperos da dumengi'alva, messa da Sogn Hubert eav. vegnan organisai dil cerchel social-caritativ. Quei team versau presta onn per onn lavur exemplarica. Grond engraziament persunter.

Rogaziun federala

Nies plevon sur Georg ensemen cun la lectura Jris Lombris han procurau per ina devoziun profunda e commuentonta en claustra. L'eucaristia celebrada da decan Pader Bruno, la messa cantada dils chors da baselgia reuni da Segnas e S. Gions, concluda mintgamai l'adoraziun da suentermiezdi en claustra.

Devoziun ed uncziun per nossas seniorsas e nos seniors

In bi diember da senioras e seniors ha priu part en claustra alla biala devoziun preparada da sur Georg e sur Alexi. Bials plaids impressiunonts han dau forza e curascha a nos attempai.

Pigl apero retschert en Claustra grond engraziament al convent.

Messa da Sogn Hubert

L'usitada messa da Sogn Hubert ha giu liug ils 9 da november allas 17.00 uras, ensemen cun sur Georg, la secziun da catschadurs Péz Alpetta e naturalmein ils sunacorns Badus. Numerus catschadurs e musicants sepresentan mintgamai en lur bialas monduras da catscha, quei che dat ina tempru tut speciala. Ils tuns bials e sonors han delectau nos cors. Igl aperitiv ha silsunter dau caschun a beinenqualin per in discuors e da guder in bien migiel vin.

Salit da Nossadunna

Onn per onn seregorda la gruppa da devoziuns, ensemen cun biaras parochianas e parochians en malencurada, da tut nos morts digl onn. Quella devoziun ha giu liug ils 10 da november.

Adoraziun tgeua

L'emprema dumengia d'advent, igl εμπrem da december ei in grond diember da parochianas e parochians da nossa pleiv serendus en baselgia per envidar ina candeila e per seprofundar en l'oraziun. In'adoraziun individuala che vegn apprezzada.

Survetsch divin da Sontgaclau

Ils 7 da december ha la viseta da Sontgaclau priu s'entschatta en baselgia tier in survetsch divin festiv celebraus da sur Georg ensemen cun la catecheta Olinda Hosang e sia classa. Las suitas da Sontgaclau ch'accumpognan la sontga messa, procuran per ina biala cumparsa el chor da nossa biala baselgia. Lein mantener quei bi usit.

Il cerchel liturgic organisascha, segida ed embellescha nossas fiastas ecclesiasticas duront igl onn ora.

La gruppa da devoziuns cun sora Beatrice, sora Giuanna, sora Madleina, Laurenzia Cajacob, Laurenzia Gadola ed Jris Lombris organisascha pliras devoziuns tenor igl onn ecclesiastic. A sora Beatrice engraziein nus da cor per siu engaschi duront biars onns ed a sora Madleina ch'ei ladinamein s'engaschada fagein nus in cordial beinvegni.

Ils menaders dils rusaris da morts ein: Laurenzia Cajacob, Rita Furger, Laurenzia Gadola, Catarina Steger e Benjamin Schuoler. Els meretan in grond cumpliment ed engraziament pil nunstunclenteivel engaschi. La dolor dallas famiglias en malencurada vegn cheutras sminuida.

Era als ordinatur da sepultura Guido Deflorin ed Andreas Arpagaus in grond Dieus paghi per lur buna lavur bein organisada.

Retscheiver la bara

Ensemen cun la famiglia en malencurada recitescha la gruppa retscheiver la bara ina biala e levgiunta devoziun rimnada en in bi cudischet. Alla grupp cun Laurenzia Cajacob, Agnes Deflorin, Marcellina Giger e Laurenzia Schnoz nies cordial Dieus paghi persuenter.

Rapport dalla grupp salid dil Segner (Corina Defuns)

Il tema dall'emprema devoziun d'uonn ei staus "Il simbol dalla plonta". Quei simbol ha accumpignau nus sco in fil tgietschen tras las devoziuns digl entir onn. Ins sa che simbols, segns e maletgs ein ina impurtonta fontauna per capir nossa cardientscha. Il text dalla canzun ch'ìls affons han empriu leutier va perquei a prau cun la muntada dalla plonta sco simbol: "Jeu tschentel ella tiara ragischs che tegnan ferm, sestendan si ell'aria enviars il Diu etern". Quella canzun e la candeila cul maletg d'ina plonta han accumpignau ils affons tras las devoziuns. Per il cudischet d'oraziuns retscheivan ils affons mintgamai ina carta tenor il tema dalla devoziun. Quei cudischet ch'ìls affons prendan a casa duei accumpignar els di per di.

La plonta sco simbol vegn savens cumparegliada cun la crusch da Jesus. La crusch vala sco plonta dalla veta, perquei che Jesus fa la ligia denter tschiel e tiara, denter Diu ed ils carstgauns. Tier la veta s'auda in crescer e madirar, la fluriziun ed il purtar fretg. Igl unviern piarda la plonta sia feglia, ella "miera", la primavera sededesta ella a nova veta. Quei ei in bi simbol per la mort e la levada da Jesus.

Regina Giger, Corina Zanetti, Irene Huonder, Sonja Durschei e Corina Defuns fuorman la grupp a preparaziun. Naven dil settember entochen dumengia da Palmas han siat devoziuns giu liug ell'aula. L'emprema dumengia d'advent han las menadras envidau ad ina devoziun ella baselgia da Sogn Placi. Biars affons e lur geniturs han tedlaur la historia dalla pintga glisch che haveva negin pensum e che ha la finala anflau in impurtont pensum. Ella entra el cor dil carstgaun e lai daventar quel ventireivels ed aviarts pil concarstgaun e per Diu.

Suenter in liug e premurau engaschi da nov onns banduna Irene Huonder la grupp cun la fin digl onn da scola 2013/2014. In cordial engraziament ad ella per la grondiusa lavur, per biaras bunas e creativas ideas, e per sia amicabladad.

Medemamein admettein nus in cordial engraziament alla suprastonza dalla pleiv, alla secretaria Jris Lombris ed al cussegel pastoral per il sustegn e la bunaveglia.

La menadra dil cerchel social-caritativ Laurenzia Schnoz rapporta:

A nossas sentupadas ed occurrenzas durent igl onn ora sepresentan stediamein biaras parochianas e parochians. Quei fatg legra nus zun fetg e dat forza e curascha da cuntinuar cun la lavur.

Al lotto tradiziunal dils 28 da fevrer el hotel Sax ha in bi diember da persunas priu part ed empruau siu cletg.

Il gentar communabel el Hotel La Furca ha gustau a biaras persunas. Ils amitgs dil giug da jass e dallas troccas han era uonn anflau tensiun e cuort'uriala. Cordial engraziament a vus tuts persuenter.

Vossa preschientscha a nossas occurenzas legra nus zun fetg. Bugen sperein nus vinavon che vus detties suatientscha a nossas invitaziuns. En num dalla gruppa dil cerchel social-caritativ selegrel jeu d'astgar solidar vus tier ina occasiun ni l'otra.

Devoziun tier Nossadunna sil pass Lucmagn

Sur Giusep Venzin ha celebrau ina biala, bein preparada ec impressiunonta devoziun ils 23 da matg sil pass Lucmagn. Cordial e sincer engraziament persunter. Las participontas ed ils participonts ein stai incantai ed in levgiament spirtal e religius ei semussaus.

La sentupada el hospezi S.Maria tier in bien puschegn ed in scart troccas ni jass ei stada fetg amicabile. Inagada dapli havein nus astgau passentar in per bialas uras en buna cumpignia.

Viadi cun nossas senioras e nos seniors

Il viadi dils 27 da zercladur ad Appenzell cun las visetas dalla cascharia Appenzeller e la destilleria Appenzeller ei inagada dapli staus fetg bials. Igl auto da posta ei staus occupaus diltuttfatg. Il bien gentar ell'ustria Freudenberg – in bi punct sur Appenzell – ha rinforzau nus. Nus tuts havein gudiu in bi di en buna e legra cumpignia. Tals viadis delecteschan e cuntentan nos cors e nossas olmas.

Gentar communabel per senioras e seniors

Mintgamai encenter la fin digl onn, uonn ils 28 da november ha il tradiziunal gentar communabel el center aua viva giu liug. Il cerchel social-caritativ cun la menadra Laurenzia Schnoz e sias gidontras e gidonters organischan onn per onn quella biala beinpreparada occasiun. Il bien gentar carmala in bi diember da participonts. Bunas cuschinieras, buna servitud e la buna organisaziun cuntentan in e scadin. Il bien menu, in bien migiel vin sco era in bien dessert dattan forza a tgierp ed olma.

Ina ga dapli ei bia lavur vegnida prestada. Cun in pign diember da commembers havein nus sespruau d'ademplier plirs giavischs. Tut ei forsa buca gartegiau. Cun vies interess, vies sustegn, cun vossa participaziun als survetschs divins e devoziuns, sco era cun vies engaschi en favur dalla baselgia e pleiv segireis vus ina cuntinuaziun dalla lavur dil cussegl pastoral. Per puder e saver ademplier aunc meglier nies pensum drova ei denton persunas ch'ein promtas da segidar cun nus. Novas forzas cun novas ideas e novs impuls ein beinvegnidas. Bugen stein nus a disposiziun per damondas e nus fussen fetg engrazievvels d'astgar beneventar in ni l'auter en nies miez.

Engraziament

Mirond anavos sin igl onn vargau eis ei miu duer e plascher e miu giavisch d'engraziar grondamein a tut quellas persunas che han susteniu, segidau e cumpignau mei duront miu onn sco president dil cussegl pastoral. Alla fin da miu rapport admittel jeu persunalmein ed era en num dils commembers a nies plevon sur Georg, a sur Alexi, agl avat Vigeli cun ses confrars dalla claustra, a nos spirituals pensiunai sco era a nos spirituals dall'India in grond e resentiu engraziament per lur lavur en pastoraziun.

Alla suprazion dalla pleiv, alla secretaria Jris Lombris, allas calustras Agnes Deflorin ed Ottilia Hosang in grond e sincer engraziament per la buna nuncumplicada collaboraziun. A sora Giuanna Solèr per sias visetas tier malsaus che selegran d'astgar retscheiver ina gada al meins la s. communion, in special e sincer Dieus paghi. Era in grond engrazièl a tuttas personas che s'engaschan e segidan en las differentas gruppas. Engraziàr lessel jeu era da tut cor a tut quels che han visitau ils survetschs divins, rusaris e devoziuns.

Ina gada dapli hai jeu saviu sefidar dils commembers dil cussegl pastoral che segidan nua ch'èin san e pon. Ad els in tut special engraziament. Nua ch'èi regia ina buna collaboraziun vegn era prestau buna e cuntenteivla lavur.

Nies bien Diu gidi, pertgiri e protegi nus tuts. Jeu giavischel a vus tuts mo il bien, bia cletg, cuntentientscha e perseveranza per la causa religiusa.

Mustér, avrel 2014

Gion Battista Hosang, president



Messa da Sontgaclau en baselgia parochiala. (foto Ottilia Hosang)

Rapport dalla caplania da Segnas

Temps va – temps semida! Con spert ch'il temps varga percurschin nus cunzun lu, cu nus vein da festivar anniversaris e giubileums. Ils 1 d'ost 1983 ha sur canoni Pius Venzin entschiet cun sia pastoraziun a Segnas. Da quei temps pastorava el sper nossa caplania era aunc Rueras, pli tard Cavardiras e Medel. Pils da Segnas e per l'entira pleiv ei quei stau motiv da festivar siu giubileum da 30 onns pastoraziun ella Pleiv S. Gions Mustér. Nus essan sespruai da far ina fiasta digna, in act da renconuschientscha per sia lavur ed era per la lavur da sia fidada casarina Mathilda Lutz. Quei ei gartegiau, grazia agl agid da biaras persunas.

30 onns ein vargai e bia ei semidau: en baselgia, el vitg da Segnas, en nossa pleiv. Quei ha sur Pius accentuau en siu plaid da beinvegni ed en siu priedi. Bia ei stau positiv, auter meins. Cunzun ils bauns che daventan adina pli e pli vits fan fastedis al pastur dallas olmas. Ed ils quitaus per il beinstar da sias olmas han era schau anavos rubaglias, caschunau quitaus. Quei muossa cun tgei perschuasiun, tgei carezia e tgei survetscheivladad che sur Pius ha ademplier siu survetsch. Buca pauc comuentaus annunzia el gest a caschun da sia fiasta sia demission. Quella croda silla fiasta da Cristus Retg, la fin november, la fin digl onn ecclesiastic. Malgrad la vegliadetgna, malgrad la cumpleina capientscha e malgrad che la decisiun vegn buc sorprendentamein fa sia decisiun mal il cor. Aschia daventa la fiasta da Cristus Retg 2013 bein ina fiasta da cumiau, ina denton cun in sentiment pesont. Igl ei buc aschia che negin po buca cuir la pensiun, denton finescha quei di ina èra privilegada che Segnas ha astgau guder ils davos decennis. Jeu vi repeter mes giavischs en num dall'entira cuminonza da caplania e pleiv: Preziau sur Pius, prezida Mathilda, nus tuts giavischein a vus dus tut mo il bien, sanadad e cuntentientscha e cunzun la benedicziun da Diu. Possi el regalar a vus ina biala sera sontga a Segnas, che vus saveies uss era guder empau in temps pli pacific. Jeu engraziel per tutta lavur, l'oraziun e tuttas ovras fatgas per nus duront quels 30 onns. La pagaglia finala suonda pli tard en in auter liug.

La demission da nies fideivel caplon munta era la dissoluziun dalla suprastonza da Segnas. Sin giavisch dalla suprastonza da pleiv vegnan ils commembers denton a menar vinavon las fatschentas entochen alla radunonza generala da pleiv 2014 nua ch'il niev ugau baselgia/la nova ugadessa baselgia vegn elegius. Tgisà sch'ei vegn zacu puspei a dar ina suprastonza da caplania a Segnas? Segnas e Cavardiras mantegnan lur dretg da caplania (ch'exista dapi 1773) e vegnan vinavon representai entras mintgamai in commember vinavon en suprastonza da pleiv. Aschia eis ei previu ella constiuziun dalla pleiv.

Dapi ils 1 da december ha il plevon da Mustér surpriu sunter 240 onns puspei la pastoraziun a Segnas. Nus vein fatg in cordial beinvegni a sur Georg e vein plascher ch'el fa mintgaton viseta tier nus. Tenor basegns e quasi en rodel fa el messa a Segnas e Cavardiras la sonda sera, resp. la dumengia allas 11.00 uras. Mintga duas jamnas ha liug ina messa da luverdis che vegn pil mument frequentada stediamein. Il medem mument ha era nossa fideivla secretaria dalla pleiv Jris Lombris supriu l'administraziun. Vischinas e vischins da Segnas vegnan perquei supplicai da seolver directamein tier ella en cass da mortori, batten, nozzas ed auters survetschs. Nus essan engrazievels da saver mantener in survetsch ecclesiastic era vinavon a Segnas, essan denton pertscharts che quel fa mo lu senn, sch'el vegn era duvraus. Naturalmeins che la purschida sedrezza a tuttas parochianas e tuts parochians dall'entira pleiv. Cumparegliau

cun autras pleivs sa nossa pleiv aunc adina esser loscha da ver in bien survetsch, buc il davos era grazia a biaras gidontras e biars gidonters.

Sper las midadas personalas ha ei aunc dau ulteriura lavur da far. En baselgia vein nus schau remplazzar la glisch electrica. Quei ei stau necessari cunquei che las installaziuns veglias fagevan ruina e caschunava disturbis entras aua condensada. Cunquei ch'il sistem da glisch en baselgia S. Gions ei secumprovaus vein nus schau montar las medemas cazzolas era a Segnas. La midada ei spert stada bein veseivla.

Ina remadura ha era il scaldament pretendiu. Ussa vein saviu midar la centrala aschia che mo pli las pégnas sezzas ein aunc las vedras. Cun quella reparatura eis ei era gest stau pusseivel da sepreparar per il futur cun in sistem flexibel che selai adattar senza problems e che porscha ulteriuras opziuns sch'ei fa da basegns.

240 onns ein vargai e nus confidein la caplania anavos alla pleiv. Ei fuss nundetg interessant dad udì, gie schizun veser tut quellas roschas da personas ch'èin duront quels dus tschentaners e miez s'engaschai per il beinstar dalla caplania. Duas gadas ei la baselgia vegnida engrondida, pliras gadas renovada, treis orglas ein vegnidas cumpradas, sco era in zenn. 28 augsegners han pastorau en caplania e biars cartents han anflau cunfiert ed agid el sanctuari. Cun questas lingias remettel jeu miu uffeci sco davos president dalla caplania. Jeu vi far quei cun engraziar a tuttas e tuts ch'èin sin ina moda ni l'autra segidai per il prosperar e beinstar da nossa cuminonza. En special a mes consuprastonts: Alberta Loretz, Letizia Duff e Linus Monn ed ils revisurs Adrian Deflorin e Claudius Berther. Medemamein engrazièl jeu a nossa fidada calustra Barla Jacomet, sustenida da sia quinada e siu mariu, allas lecturas, ministrantas e ministrants, donaturas e donaturs. In engraziament admettel era a sur Georg ed alla suprastonza da pleiv per tut agid demussau pli baul, mo cunzun era uonn cun tontas midadas. Forsa astgein era nus semetter en retscha cun nos antenats e retscheiver in di en tschiel la pagaglia meritada.

Formalmein ei la suprastonza uss sliada. Con ditg che la cuminonza festivescha aunc survetsch divin a Segnas dependa uss da mintga convischina e convischin. E tgisà - forsà suonda ella retscha da quests rapports annuals zacu puspei in dad ina nova suprastonza, in che rapporta da baselgias pleinas e retschas da sacerdots. Temps va – temps semida!

Segnas, fevrer 2014

Gion Tenner, president

Quen dalla baselgia parochiala S. Gions 2013

entradas	31.12.13	31.12.12
unfrendas	16'083.10	15'196.30
contribuziun pleiv s. Gions	-	8'000.00
contribuziun fondo messas fundadas	15'000.00	10'000.00
contribuziun cassa da candeilas	4'000.00	-
diever baselgia, concerts etc.	350.00	400.00
restituziun segirada	787.50	-
tscheins dretg alp Cristallina	350.00	350.00
vendita psalms	40.00	30.00
diversas entradas	626.40	586.30
restituziun taglia anticipada	656.25	656.25
tscheins capital	1'319.65	1'248.90
total entradas	39'212.90	36'467.75

expensas		
uorden per il survetsch divin	2'529.90	1'752.20
embelliment dalla baselgia (flurs, candeilas)	1'825.08	2'119.00
assicuranza da baghetgs	3'072.00	3'089.60
assicuranza digl inventar	2'998.25	4'435.05
assicuranza da responsabilidad	-	178.50
energia, scaldament, glisch	7'677.10	9'682.50
cudischs	429.50	472.30
publicaziuns Fegl official etc.	1'085.40	1'087.35
abonnaments per man. d'apparaturas	1'289.00	786.00
divers quens da reparaturas e manteniment	4'264.55	8'168.15
escha laterala baselgia s. Gions	7'462.75	-
diversas expensas	2'774.25	2'098.05
honorar ordinatur	800.00	950.00
contribuziun ministrants	500.00	-
contribuziun chor baselgia	2'000.00	2'000.00
taxas da rumians, canalisaziun e aua	1'954.20	1'954.20
spesas da banca, portos	47.70	206.85
total expensas	40'709.68	38'979.75

total entradas 2013	39'212.90	36'467.75
total expensas 2013	40'709.68	38'979.75
<i>surpli expensas 2013</i>	<i>-1'496.78</i>	<i>-2'512.00</i>

Bilanza per ils 31 da december 2013

Activas		31.12.13	31.12.12
conto current nr. 11079.72		52'008.91	23'505.69
daner a termin nr. 11079.20/1000	1.125% 18.03.2010 - 18.03.2013	-	20'000.00
daner a termin nr. 11079.20/1290	1.500% 20.01.2012 - 20.01.2019	40'000.00	40'000.00
daner a termin nr. 11079.20/1640	1.000% 07.11.2013 - 07.11.2020	30'000.00	-
obligaziun da cassa nr. 11748	2.875% 08.01.2008 - 08.01.2013	-	40'000.00
<i>Total activas</i>		<i>122'008.91</i>	<i>123'505.69</i>

Passivas			
capital agen		123'505.69	126'017.69
sperdita		-1'496.78	-2'512.00
<i>Total passivas</i>		<i>122'008.91</i>	<i>123'505.69</i>

moviment dalla facultad 2013

facultad ils 31.12.2012	123'505.69	126'017.69
facultad ils 31.12.2013	122'008.91	123'505.69
<i>sminuziun dalla facultad per 2013</i>	<i>-1'496.78</i>	<i>-2'512.00</i>

Mustér, ils 7 da schaner 2014
 Claudius Berther, ugau baselgia

Quen dalla pervenda da S. Gions per 2013

Expensas	31.12.13	31.12.12
Salaris pleiv Mustér	247'003.30	222'781.05
salaris augsegners	53'150.00	42'666.50
salaris persunal gidonter	73'527.10	70'351.80
substituziuns	11'600.00	15'014.20
ductrina	68'439.50	62'115.45
giuventetgna Cadi	9'837.10	9'837.10
SVS assicuranza sociala	12'223.00	9'868.85
indemnisaziun suprastonza	11'385.00	11'035.00
segiradas d'accident	2'261.95	1'892.15
cassa da pensiun	4'579.65	
Contribuziuns	1'100.00	15'600.00
diversas contribuziuns	100.00	100.00
baselgia S. Gions		8'000.00
baselgia catolica cantunala		1'000.00
cussegl pastoral		4'000.00
instituziuns culturalas	1'000.00	2'500.00
Casas pervenda/schischom	29'393.95	6'337.35
manteniment	4'697.25	326.20
mobilier ed indrez	11'111.80	360.00
taxas annualas	1'584.40	1'579.00
manteniment indrez	3'388.55	720.80
electricidad casas pervenda	671.00	217.20
ieli casa pervenda	6'446.95	1'469.20
segiradas casa pervenda nova	978.35	776.40
segiradas casa pervenda veglia	467.65	840.35
segiradas schischom	48.00	48.20
Caplania Segnas	52'138.40	53'254.75
salaris augsegner	18'333.15	19'999.80
salaris persunal gidonter	31'198.95	30'823.20
taxas annualas	647.90	650.60
SVS assicuranza sociala	853.75	828.10
segiradas d'accident	245.20	249.55
segiradas casa pervenda	725.95	703.50
manteniment casa pervenda	133.50	
Caplania Cavardiras	14'290.00	24'238.60
salaris augsegners		2'936.00
salaris persunal gidonter	10'251.60	9'567.30
taxas annualas	540.70	568.95

SVS assicuranza sociala	193.35	952.90
segiradas d'accident	52.35	51.25
segiradas casa pervenda	222.10	223.25
manteniment casa pervenda	2'904.10	9'776.75
electricidad e manteniment tualetta	125.80	162.20
Diversa	18'590.02	17'684.50
material da biro	410.60	487.75
apparaturas da biro	1'963.00	1'500.00
indrez da fotocopiar	2'583.87	2'008.35
access internet	781.60	1'184.60
spesas da banca	142.30	151.45
spesas suprastonza	544.50	777.00
telefon	1'881.25	1'562.60
francaturas, porto	602.35	681.90
divers schenghetgs / occurrenz	1'221.20	792.20
donaziuns	1'796.00	300.00
rapport annual	1'560.80	2'151.90
archiv	750.00	866.85
radunonza generala	390.00	1'357.20
diversas expensas	1'236.30	1'415.75
taxas radio e televisiun	539.45	
examinaziun segiradas	2'186.80	2'446.95
Total expensas	362'515.67	339'896.25
Entradas	31.12.13	31.12.12
Taglias / contribuziuns	343'546.90	300'300.65
taglia pleiv	336'046.90	292'800.65
vischnaunca/ductrina	7'500.00	7'500.00
tscheins	11'009.00	19'149.45
tscheins activs	1'484.10	2'911.45
tscheins casa pervenda	2'400.00	9'600.00
tscheins casa pervenda Cavardiras	4'800.00	4'800.00
tscheins schischom	638.00	638.00
tscheins parcadis Sut-Gliendas	1'200.00	1'200.00
diversas entradas	486.90	
Total entradas	354'555.90	319'450.10
Total expensas	362'515.67	339'896.25
Total entradas	354'555.90	319'450.10
<i>Surpli expensas</i>	<i>7'959.77</i>	<i>20'446.15</i>

Bilanza dils 31 da december 2013

Activas	31.12.13	31.12.12
Total mieds finanziais	399'923.25	419'346.29
contocurrents	9'388.12	2'624.77
contos da spargn	365'444.70	365'814.10
daner da termin	20'000.00	50'000.00
assegn Banca Raiffeisen	200.00	200.00
taglia anticipada	390.43	707.42
emprest sur Georg	4'500.00	
Total mieds administrativs	110'963.65	99'488.65
casa pervenda	1.00	1.00
casa pervenda veglia	1.00	1.00
casa pervenda Segnas	11'098.85	11'098.85
casa pervenda Cavardiras	1.00	1.00
schischom Dulezi	1.00	1.00
schischom e clavau Acla da Fontauna	1.00	1.00
schischom Sontget	59'859.80	58'384.80
caplutta S. Clau Mumpé-Tujetsch	20'000.00	10'000.00
orgla baselgia Segnas	20'000.00	20'000.00
Total activas	510'886.90	518'834.94
Passivas	31.12.13	31.12.12
Total capital jester	1'718.50	1'706.77
passivas transitoricas	1'718.50	1'706.77
Total capital agen	509'168.40	517'128.17
capital agen	517'128.17	537'574.32
sperdita/gudogn	-7'959.77	-20'446.15
Total passivas	510'886.90	518'834.94

Mustér, ils 4 da fevrer 2014
Willi Lozza, ugau pervenda

Quen dalla baselgia S. Antoni Cavardiras 2013

Entradas	
unfrendas cun statua da Sogn Antoni, donaziun senza num	7'041.75
candeilas	6'505.85
tscheins activs	1'698.37
restituziun "Die Mobilier"	784.75
restituziun vischnaunca (electricidad tualetta)	300.00
total entradas	16'330.72
Expensas	
energia, scaldament, glisch	5'522.00
assicuranzas	1'608.70
taxas annualas; aua, rumians	405.75
candeilas, devoziunalias	3'288.60
spesas da banca	8.00
manteniment tuchiez	351.00
manteniment baselgia	2'798.30
manteniment paramenta	242.00
embelliment baselgia	939.65
diversas expensas	411.85
festivitat da Sogn Antoni	429.20
total expensas	16'005.05
total entradas	16'330.72
total expensas	16'005.05
surpli entradas	325.67

Bilanza per ils 31 da december 2013

Activas

conto da commembers nr. 12642.73	65'418.88
conto current nr. 12642.92	4'352.15
daner a termin nr. 12642.55/1655 0.625%, scadenza 2014	100'000.00
daner a termin nr. 12642.73/1001 1.375%, scadenza 2014	60'000.00
obligaziun da cassa nr. 1480	200.00
taglia anticipada	593.40
total activas	230'564.43

Passivas

capital agen	230'238.76
gudogn	325.67
total passivas	230'564.43

Moviment dalla facultad 2013

facultad ils 31-12-2012	230'238.76
facultad ils 31-12-2013	230'564.43
<i>augment dalla facultad per 2013</i>	<i>325.67</i>

Cavardiras, ils 12 da schaner 2014
Alexa Schuoler, ugedessa Cavardiras

Facultad e deivets dils fondos da baselgias e capluttas

	31-12-2012	31-12-2013
Baselgia parochiala s. Gion Battesta		
Ugau: Claudius Berther		
fondo baselgia s. Gions	123'505.69	122'008.91
fondo messas fundadas s. Gions	265'840.18	254'213.51
Baselgia s. Placi		
Ugau: Claudius Berther		
fondo baselgia s. Placi	28'378.79	30'224.67
Baselgia s. Gada		
Ugau: Claudius Berther		
fondo baselgia s. Gada	312'486.71	308'211.19
Baselgia da Nossadunna, Acletta		
Ugau: Corsin Maissen		
fondo baselgia	43'674.85	46'143.70
Baselgia s. Bistgaun e s. Roc, Segnas		
Ugadessa: Letizia Duff-Sac		
fondo baselgia	171'510.75	251'403.05
fondo messas fundadas	109'799.10	108'321.80
Caplutta Sontgaclau, Mompé Tujetsch		
Ugau: Manetsch Sigisbert		
fondo caplutta	20'902.60	26'012.90
deivet restont	10'000.00	0
Caplutta s. Valentin, Mompé Medel		
Ugau: Baseli Jacomet		
fondo caplutta	23'770.70	23'605.90
Caplutta s. Antieni, Perdomat		
Ugau: Christian Duff		
fondo caplutta	17'926.50	17'848.70
Caplutta s. Leci, Disla		
Ugau: Max Deplazes		
fondo caplutta	7'863.71	6'841.96

Caplutta s. Giachen, Cuoz

Ugau: Adrian Deflorin

fondo caplutta

35'546.65

35'502.20

Baselgia Sogn Antoni, Cavardiras

Ugadessa: Alexa Schuoler

fondo baselgia

230'238.76

230'564.43

fondo messas fundadas

48'284.66

48'566.12



Survetsch divin ecumen a Caischavedra (foto Ottilia Hosang)

Rapport dils revisurs

Ella seduta dils 14 da fevrer 2014 havein nus, tenor incarica digl artechel 28 dalla constituziun dalla pleiv Sogn Gions, repassau ils quens ed il menaschi finanziel dalla pervenda, dallas baselgias e dallas capluttas dalla pleiv per igl onn 2013.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidas decididas dalla suprastonza tenor las cumpetenzas dalla constituziun.

Sin basa da nossas controllas fagein nus alla radunonza generala las suandontas propostas:

- a) d'approbar la bilanza e quen administrativ per ils 31 da december 2013 dalla pervenda, dalla baselgia parochiala s. Gions, dalla caplania Cavardiras e dallas capluttas tenor las cefras presentadas
- b) da dar scarica alla suprastonza ed als funcziunaris
- c) d'exprimer in meritau engraziament alla suprastonza, als augsegners ed a tuts ugaus per lur nunstunclenteivel engaschament.

Mustér, ils 14 da fevrer 2014

Ils revisurs : Catrina Berther e Roger Sac

Preventiv dalla baselgia parochiala S. Gions per 2014

Entradas	2014
unfrendas	16'000.00
contribuziun pleiv s. Gions	8'000.00
fondo messas fundadas	10'000.00
tscheins dretg alp Cristallina	350.00
diever baselgia, concerts etc.	300.00
tscheins da capital	1'000.00
restituziun taglia anticipada	350.00
total entradas	36'000.00

Expensas	2014
uorden per il survetsch divin	2'000.00
embelliment dalla baselgia parochiala	1'500.00
assicuranza da baghetgs, inventar e responsabilidad	6'000.00
energia, scaldament e glisch	7'000.00
publicaziuns, cudischs	1'500.00
abonnements per manteniment d'apparaturas	1'000.00
honorar ordinaturs	800.00
contribuziun chor baselgia	2'000.00
taxas da rumien, canalisaziun, aua e fiug	2'000.00
reparaturas e manteniment	5'000.00
perimeter via sogn Gions	4'500.00
contribuziun ministrants	500.00
diversas expensas	2'000.00
total expensas	35'800.00

total entradas 2014	36'000.00
total expensas 2014	35'800.00
<i>surpli entradas 2014</i>	<i>200.00</i>

Mustér, ils 30 da november 2013
Claudius Berther, ugau baselgia

Preventiv dalla pervenda da S. Gions per 2014

Expensas	
Salaris pleiv Mustér	241'000.00
salaris augsegners	69'000.00
salaris personal gidonter	72'700.00
substituziuns	5'000.00
giuventetgna CADI	9'900.00
contribuziun per ductrina	55'000.00
contribuziun SVS	10'200.00
indemnisaziun suprastonza	10'000.00
segiradas d'accident e malsogna	3'000.00
cassa da pensiun	6'200.00
Contribuziuns	14'500.00
diversas contribuziuns	500.00
baselgia S. Gions	8'000.00
baselgia catolica cantunala	1'000.00
contribuziun al cussegl pastoral	4'000.00
contribuziun camps Cadi	1'000.00
Casa pervenda/schischom	11'500.00
manteniment casas pervendas	1'000.00
manteniment indrez casas pervenda	1'000.00
segiradas, diversas taxas casa pervenda	1'500.00
segiradas, diversas taxas casa pervenda veglia	500.00
divers cuosts da schischom	500.00
ieli casa pervenda	6'000.00
electricidad casa pervenda	1'000.00
Caplania Segnas	25'050.00
salaris personal gidonter	19'120.00
assicuranzas, diversas taxas annualas	1'500.00
contribuziun SVS	1'430.00
segirada d'accident e malsogna	1'000.00
manteniment casa pervenda	2'000.00
Caplania Cavardiras	14'850.00
spirituals	1'000.00
salaris personal gidonter	10'350.00
assicuranzas, diversas taxas annualas	550.00
contribuziun SVS	800.00
segirada d'accident e malsogna	150.00
manteniment casa pervenda	2'000.00

Diversa	24'350.00
material da biro	500.00
apparaturas da biro	500.00
indrez da fotocopiar	2'300.00
access internet	800.00
francaturas	1'000.00
telefon	2'000.00
radio e televisiun Billag	500.00
spesas da banca	150.00
radunonza generala	500.00
cuosts da publicaziun	2'000.00
taxas radio e televisiun	600.00
archiv	1'000.00
diversas expensas	2'500.00
amortisaziuns	10'000.00

Total expensas 331'250.00

Entradas

taglias / contribuziuns	323'700.00
taglia pleiv	315'000.00
vischnaunca/ductrina	7'500.00
pleiv Medel per ductrina	1'200.00

tscheins	8'100.00
tscheins activs	1'500.00
tscheins casas pervenda	4'800.00
tscheins schischom	600.00
tscheins parcadis Sut-Gliendas	1'200.00

Total entradas 331'800.00

total expensas	331'250.00
total entradas	331'800.00
surpli expensas/entradas	550.00

Mustér, ils 4 da fevrer 2014
Willi Lozza, ugau pervenda

Fixaziun dil pei da taglia per 2015

La suprastanza dalla Pleiv Sogn Gions ed ils revisurs da quen proponan alla radunanza generala dalla Pleiv Sogn Gions/Mustér da fixar il pei da taglia sco suonda:

Per igl onn 2015 duei il pei da taglia restar sco per 2014 sin 12% digl importo dalla taglia sempla dil cantun.

www.pleivdisentis.ch

Gia dapi plirs onns ei la Pleiv Sogn Gions era presenta egl internet. Sper ina vasta collecziun da texts historics anfleis Vus dapi il november 2012 leu era igl urari dallas messas, las annunzias da mort, sco ulteriuras informaziuns davart nossa pleiv.

Officials dalla pleiv sogn Gions

1. **Suprastonza dalla Pleiv Sogn Gions/Mustér:**

Maissen-Desax Linus, president
Georg Changeth, plevon (ex off.)
Hosang Gion Battesta, president dil cussegl pastoral
Berther Claudius, ugau baselgia
Lozza Willi, ugau pervenda
Lombris Jris, actua e vicepresidenta
Tenner Gion, president dalla caplania Segnas
Schuoler Alexa, ugedessa baselgia Caravardiras

2. **Revisurs da quen:**

Berther Catrina
Sac Roger

3. **Suprastonza dalla caplania Segnas:**

Tenner Gion, president
Venzin Pius, caplon (ex off.), fin 30-11-2013
Duff-Sac Letizia, ugedessa baselgia
Loretz-Huonder Alberta, actua
Monn Linus, ugau pervenda
Berther Claudius, revisur da quen
Deflorin Adrian, revisur da quen

4. **Ugaus-caplutta:**

Sontga Gada	Berther Claudius
Sogn Placi	Berther Claudius
Acletta	Maissen Corsin
Mumpé Tujetsch	Manetsch Sigisbert
Cuoz	Deflorin Adrian
Mumpé Medel	Jacomet Baseli
Perdomat	Duff Christian
Madernal	Claustra Mustér
Disla	Deplazes Max
Sontga Catrina	Condrau Giusep

5. **Commembers dil cussegl pastoral dalla Pleiv Sogn Gions:**

1. Comite

Georg Changeth, plevon (ex off.)

Hosang Gion Battesta, president

Lozza Willi, vicepresidente

Deflorin Marie Luise, cassiera

Schnoz Laurenzia, assessura

2. Cerchel liturgic

Buschor Josef

Caduff-Kneidinger Giusep

Casanova Ermelinda

Duff Giusep

3. Cerchel social-caritativ

Schnoz Laurenzia, menadra

Deflorin Marie Luise

P.P.

7180 Disentis/Mustér